



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1648

§. 3. Admiranda Scotiae.

urn:nbn:de:hbz:466:1-13147

modo repletur. At dum detumescit æstus, tum magno cum impetu exsurgens, & ripas aquis cooperiens easdem eiaculatur & reuomit. Quod sequitur planè fabulosum. Si quis tunc temporis versâ facie ad stagnum staret, periculum adiret: verso tergo irroratio periculosa non est, etiam si in ripâ consisteret. *Galfridus Monumethensis.*

Ad oppidum *Halinelam* fons S. Venefridæ dictus muscum oderiferum gignit, quo multi morbi sanantur: hæc virgo pro castitate cæsa est in eo loco. *Robertus Abbas Salopiensis.*

§. 3. Scotia.

IN eâ regione totâ mus maior nullus conspicitur, nec aliunde exportatus, hîc viuere potest. *Hector Boëthius.*

Hic arbor cuius fructus in mare cadentes magnâ ex parte mutantur in volucres, quas *Klakis* indigenæ vocant. *Leslaus in Chronico Scotie.*

In montanis partibus Scotiæ vulpium perniciem sic rustici solent amoliri. Miscent vulpeculæ carnem cibis animantium, quas vulpes infestant; quæ gustarunt hunc pastum duos propè menses à vulpibus illæsæ errant, quod si qua pastum illum non gustarit à vulpe inter cæteras feligitur. *Boëthius.*

Hic lupi armentis infensissimi, & gregibus, præterquam in valle *Angusie*, dicta *Glemmores*, ubi domestica animalia non attingunt, sed tantum ferarum prædâ visititant. *Idem Boëthius.*

In *Merchia*, volucres dictæ vernaculè *Gustardes*, colore perdicis magnitudine anseris, nudâ humo oua deponunt: ea si homo contrectarit, aut halitu imbuerit (quod statim sentiunt) relinquunt, ut parum idonea ad pullos educendos, & aliò se conferrunt, ut noua pariant. *Hector Boëthius.*

Duobus millibus passuum ab *Edimburgo*, fons scaturit cui olei guttae innatant: eas si exemeris alix substituantur, si nihil abstuleris non apparent plures. Hoc oleo vtuntur indigenæ ad cutem molliendam, & tollendam scabritiem. *Idem.*

Lacus & fluuius *Nessa* reliquis aquis hîc concrescentibus frigore nunquam congelatur: sicut nec media pars lacus *Myrtoùn*, cum altera pars omnino concrescat. *Idem Boëthius.*

In *Caricta* regione Boum adeps non concrescit, sed olei ad

instar fluit; cæterū eorum caro tenerrima. *Idem.*

Decem circiter millibus ab oppido *Aer* in prouincia *Ceyl*, *Saxum* visitur 12. vix pedes altum, protensum ad 33. cubitos, *sursum* meritò ab indigenis dictum: quamuis enim ab vnâ parte bombardam displodas, non exaudietur sonus ab aduersâ parte, nisi quām remotissimè absis, tum enim aliquis audietur strepitus. *Idem Boëthius.*

In prouincia *Lelgonia* lacus maximus vulgo *Loumond*, de quo tria miranda narrantur: *Primum*, pisces hīc pinnis carent: *Secundum*, lacus ille sine vento, plerumque sic intumescit, ut audacissimos quosque piscatores terreat: *Tertium*, Insula in eo pecori pa-scendo apta natat, & à vento circumfertur. *Idem.*

In *Argadìa* lapis diutiùs stramentis, stupisque suppositus facit incendium. *Idem.*

Ad *Castellum Sclani* in *Buthquhaniâ*, antrum visitur, in quod aqua stillans vertitur in candidissimum lapidem, & nisi eximere-tur iampridem oppletum esset, est enim hīc celebris lapidicina. *Idem Boëthius.*

Hybrides Insulæ.

In Inf. *Mulâ* fons limpidissimus 2. pass. millibus à mari distans, ex quo oua margaritarum exigua, & spissi humoris plena, atque lucentia in fossam vicinam aquâ marinâ plenam inferuntur, & infra 12. horas in conchas satis capaces mutantur. *Boëthius.*

In *Ebudiis* Insulis reperiuntur conchæ, quæ non continent pisces, sed volucres. Grandes porrò illæ conchæ pro volucrum magnitudine: quod ait auctor se accepisse à Parocho *Kilkendense*. *Boëthius.*

Ad easdem Insulas passim ligna putrida in Anseres mutantur, quas indigenæ vocant *Clakis* & *Bernicas*. Primo nascuntur vermes, deinde vestiuntur plumâ, mox euolant. *Boëthius.*

Orcades Insulæ.

Nulla in *Orcadibus* arbor, nullum triticum, exundantibus reliquis frugibus. Serpentem aut animal venenosum nullum dignit. Cū incolæ bibacissimi sint, haec tenus nullus est ebrius visus, nullus stolidus, nullus demens. *Hector Boëthius.*

Hh ij

In *Itlandia* Orcadum ex arboribus quæ salicibus similes sunt, pendent paruæ pilæ, quæ lapsæ in mare vertuntur in anates. *Fulgosus.*

Ad Insulam Fare, vulgo *Ferroier*, volucres passere non multo maiores tantâ celeritate in mari decurrunt, ut pedes non videantur tingere. Id cùm vident nautæ proximam suspicantur tempestatem. Et hæ aues tantùm hîc videntur; si alibi, creditur iminere politica mutatio. *Hoyerus in Epistola.*

§. 4. Hibernia.

IN *Hiberniâ*, aues vulgo dictæ des *Martinetz*, ventre albo, tergo nigro, mortuæ non putrescant, sed quod mirum magis singulis annis earum cadauera plumas renouant: loco sicco seruatæ à tineâ vestes incolumes seruant. *Multorum experientia.*

Serpentes non gignit hæc Insula, venenatum nullum animal, & si importetur expirat: imò rasura codicum ex pellibus illius Insulæ valet ad serpentum morsus. Cuius rei causam aliqui in aërem refundunt, alij precibus S. Patricij adscribunt. *Beda in historia suâ.*

In *Hiberniæ* fluvio quodam folia ex arboribus quibusdam decidentia primum formantur in pisces, & paulò post natant. *Virðetus apud Euf. Nierembergum.*

Hîc quoque lacus cuius aqua dulcis, & amara quotidie fit; sic ut dimidio die dulcescat, dimidio pro veneno sit. *Molina in descript. Galacie.*

Fons est in *Momonia*, cuius aquis si quis abluitur statim canus efficitur. Aitque auctor se vidisse hominem cuius pars barbae locata cana erat, altera priorem retinebat colorem. *Cyraldus Cambrensis.*

Ibi quoque fons qui si tactus ab homine fuerit tota illicò provincia pluviis infestabitur, nec cessabit calamitas nisi Sacerdos à nativitate virgo in proximo sacello sacrum fecerit, & inspersione aquæ benedictæ, & lacte vaccæ vnius coloris fontem illum reconciliauerit. *Idem lib. 2. cap. 7. Topog. Hibernice.*

In Boreali parte *Momonie* lacus est, ubi duo loca sacra: in *Maiori* Ecclesia, in *Minori* Capella; in *Maiorem* nunquam intravit aliquid foeminei sexus quin illicò moreretur, quod probatum s̄epe